



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XLVI. Erectio Provinciæ Navarræ, & Cantabriæ Fratrum Capuccinorum.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

& 1679.
Approbatio
Sac. Con-
greg. relati
Summarii.

Hoc Summarium Indulgentiarum, Procuratore Ordinis instante, fuit a S. Congregatione recognitum, & approbatum Romae die 22. Novembris 1678.
A. Cardinalis Homodeus.

Locus & Sigilli.

Michael Angelus Riccius Secretarius.

Preces Procuratoris Generalis.

§. 2. Cum autem, sicut eadem expositio subiungebat, praefatus Josephus Procurator Generalis Summarium huiusmodi, pro firmiori illius subsistentia Apostolica confirmationis nostrae patrocinio communiri summopere desideret: Nos ipsius Josephi Procuratoris Generalis votis hac in re quantum cum Deo possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a Jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, supplicationibus eius nomine nobis super hoc humiliter porrectis inclinatis, de memoratorum Cardinalium consilio, praesertim Summarium Indulgentiarum auctoritate Apostolica tenore praesentium approbamus, & confirmamus, illique inviolabilis Apostolica firmitatis robur adjicimus: salva tamen semper in praemissis auctoritate praefatae Congregationis Cardinalium.

Confirmatio idem Summarium.

Clausula.

§. 3. Decernentes easdem praedictas Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari: sicque in praemissis per quoscumque Judices Ordinarios, & delegatos, etiam causarum Palatii Apostolici Auditores judicari, & definiti debere; ac irritum, & inane, si quid secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, caeterisque contrariis quibuscumque.

§. 5. Volumus autem, ut praesentium Literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides tam in iudicio, quam extra illud ubique locorum habeatur, quae haberetur ipsis praesentibus Literis, si forent exhibitae, vel ostensae.

Datum Romae apud S. Petrum sub Annulo Piscatoris die XXIII. Decemb. MDCLXXVIII. Pontificatus nostri Anno Tertio.

XLVI.

Erigitur praecibus Regis Hispaniarum, Custodia Navarrae, & Cantabriae Ordinis Fratrum Capuccinorum in novam Provinciam.

INNOCENTIUS PAPA XI.

Ad perpetuam rei memoriam.

Dat. 10. Jan. 1679. An. 3.

Exordium.

Scrofancti Apostolatus officium humilitati nostrae per ineffabilem Divinae bonitatis abundantiam, nullo licet meritorum nostrorum suffragio, commissum salubriter exequi adjuvante Domino jugiter satagentes, religiosorum nostrorum Virorum Altissimi obsequiis sub arctioris disciplinae instituto mancipatorum, uberesque bonorum operum fructus in Ecclesia Dei adspirante Divini favoris auxilio proferre assidue studium statui, & felici directioni consulere peculiari sollicitudine studemus, sicut pia orthodoxorum Regum multiplicibus in hanc Sanctam Sedem meritis fulgentium vota postulant, & Nos omnibus maturae considerationis trutina perpenis, ad

Omnipotentis Dei Gloriam, & Religionis, piomque operum incrementum, & felicem progressum expedire in Domino arbitramur.

§. 1. Cum itaque sicut nomine Charissimi in Christo filii nostri Caroli Hispaniarum Regis Catholici nobis nuper exponi fecit dilectus filius nobilis vir Gaspar de Haro, & Guzman Marchio de Carpio ejusdem Caroli Regis apud Nos, & Sedem Apostolicam Orator, Custodia Navarrae, & Cantabriae Ordinis Fratrum Minorum S. Francisci Capuccinorum nuncupatorum octo Conventibus, ex quibus duo literarum Studiis, & unus Novitiatus respective destinati sunt, ac ducentis, & viginti duobus, vel circiter Fratribus constet: dictus vero Carolus Rex eandem Custodiam in novam dicti Ordinis Provinciam ad instar aliarum ipsius Ordinis Provinciarum in Hispaniarum Regnis consistentium, quae cum pari, vel minori Conventuum numero antehac erectae fuerunt, a Nobis erigi plurimum desideret: Ad hanc autem erectionem non solum Capituli generalis dicti Ordinis novissime celebrati approbatio, sed etiam dilectorum filiorum modernorum Superiorum ejusdem Ordinis consensus concurrant: Nobis propterea dictus Gaspar Marchio ejusdem Caroli Regis nomine humiliter supplicari fecit, ut in praemissis opportune providere, & ut infra indulgere de benignitate Apostolica dignaremur.

Causae hujus erectionis.

Preces Regis Hispaniarum.

Concessio erectionis dictae novae Provinciae.

§. 2. Nos igitur piis ipsius Caroli Regis votis hac in re quantum cum Domino possumus favorabiliter annuere volentes, huiusmodi supplicationibus inclinatis memoratam Custodiam Navarrae, & Cantabriae in novam Ordinis praedicti Provinciam, quae ab uno Ministro Provinciali, ac Diffinitoribus, aliisque Officialibus juxta Constitutiones ejusdem Ordinis auctoritate Apostolica approbatas eligendis, & assumendis regi, & gubernari debeat, itaut ipsa nova Provincia, illiusque Minister Provincialis, Diffinitores, caeterique Officiales, & Fratres pro tempore existentes omnibus, & singulis Privilegiis, juribus, praerogativis, honoribus, gratiis, & Indultis, quibus aliae dicti Ordinis Provinciae in Hispaniarum Regnis praedictis consistentes tam de Jure, usu, & consuetudine, quam alias quomodolibet utuntur, fruuntur, & gaudent, ac uti, frui, & gaudere possunt, & poterunt in futurum pari modo, & absque ulla proffus differentia uti, frui, & gaudere libere, & licite possint, & valeant, auctoritate Apostolica tenore praesentium perpetuo erigimus, & institui-mus.

Clausula.

§. 3. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissime suffragari, ac ab illis respective inviolabiliter observari: sicque in praemissis per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Cardinales etiam de Latere Legatos, & Apostolicae Sedis praefatae Nuncios, aliove quolibet quacumque praerogativa, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus praemissis, ac Constitutionibus, & Ordinationibus Apostolicis, necnon quatenus opus sit Custodiae, & Ordinis praefatorum, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus,

& singulis illorum tenores presentibus pro plene, & sufficienter expressis, ac insertis habentes, illis alias in suo robore permanens, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctum Petrum sub Anulo Piscatoris die X. Januarii MDCLXXIX. Pontificatus nostri Anno Tertio.

XLVII.

Conceduntur octo Provinciis Germaniae Ordinis Capuccinorum vota omnia in Capitulis Generalibus, necnon facultas erigendi nova Coenobia sine praevia S. Sedis licentia.

Dat. 10. Jan. 1679. An. 3.

INNOCENTIUS PAPA XI.

Ad perpetuam rei memoriam.

Exordium.

AD Pastorale fastigium, meritis licet imparibus Divina dispositione evecti, Religiosorum Virorum vota sua Deo sub laudabili austerioris vitae disciplina cum Populi Christiani aedificatione reddere jugiter satagentium statui, decori, & commodis libenter providemus, ac in id ipsum tendentes sublimium Principum preces propensa paternae charitatis benignitate exaudimus, favoribusque, & gratis prosequimur opportunis.

Species facti.

§. 1. Nuper siquidem pro parte Charissimi in Christo filii nostri Leopoldi Romanorum Regis in Imperatorem electi Nobis expositum fuit, quod alias in vim quarundam sel. re. Clementis IX., & Clementis X. Romanorum Pontificum Praedecessorum nostrorum in simili forma Brevis literarum quatuor Provinciae Ordinis Fratrum Minorum S. Francisci Capuccinorum nuncupatorum, unaquaque scilicet illarum in duas divisae, atque ita ex illis octo Provinciae, quae Helvetiae, Austriae anterioris, Colonienfis, Rhodana, Tirolensis, Bavariae, Bohemiae, & Austriae respective nuncupantur, constitutae fuerant; ea tamen lege, ut per ejusmodi divisionem suffragia in Capitulis generalibus Ordinis praefati augeri non possent, sed cujusque Provinciae sic divisae Ministri Provinciales una cum Custode alternatim eligendo in dicto Capitulo intervenire deberent, ita ut tria tantum vota, nempe duorum Ministrorum Provincialium, & unius Custodis pro singulis Provinciis ex una in duas divisae hujusmodi constituerent; utque in praefatis Provinciis divisae novi Conventus erigi in posterum nullatenus possent sine expressa Sedis Apostolicae licentia per literas in forma Brevis expediendas, quae huic prohibitioni derogaret. Et subinde dictus Clemens X. Praedecessor per quasdam suas pariter in forma Brevis die 15. Novembris 1675. expeditas literas benigne indulget, ut pro Capitulo Generali dicti Ordinis tunc proxime celebrando tantum in singulis praefatis Germaniae Provinciis eligi possent duo Custodes, qui votum haberent in eodem Capitulo Generali, quid vero in futurum servandum esset, mandavit, ut in eodem Capitulo Generali tunc proxime celebrando hujusmodi negotium examinaretur, & alias prout in praefatis eorundem Praedecessorum literis, quarum tenores praesentibus pro plene, & sufficienter expressis, & insertis haberi volumus, uberiorius continetur.

Preces Leopoldi Regis Romanorum.

§. 2. Cum autem sicut eadem expositio subiungebat, ut Provinciarum praedictarum incremento, ac religiose quieti, & honorificentiae per amplius consulatur, dictus Leopoldus Rex duas conditiones supradictas in divisionibus hujusmodi appostas tolli, & abrogari plurimum desideret: Nobis propterea ejusdem Leopoldi

Regis nomine humiliter supplicatum fuit, ut in praemissis opportune providere, & ut infra indulgere de benignitate Apostolica dignaremur.

§. 3. Nos igitur piis ipsius Leopoldi Regis votis hac in re quantum cum Domino possumus favorabiliter annuere volentes, hujusmodi supplicationibus inclinati, supradictis Provinciis Helvetiae, & Austriae anterioris, Colonienfis, & Rhodanae, Tirolensis, & Bavariae, ac Bohemiae, & Austriae, & illarum singulis, ut omnia vota, sive suffragia, quae aliis Ordinis praefati Provinciis competunt in Capitulis Generalibus ejusdem Ordinis de cetero celebrandis pariformiter habeant, & novos Conventus, sublata prohibitione praedicta, absque alia hujus Sanctae Sedis licentia de ordinariorum locorum consensu, servatisque alias servandis erigere, aliisque omnibus, & singulis Juribus, privilegiis, praerogativis, praeminentiis, honoribus, gratiis, & indultis, quibus caetera Ordinis hujusmodi Provinciae tam de jure, usu, & consuetudine, quam alias quomodolibet utuntur, fruantur, & gaudent, ac uti, potiri, frui, & gaudere possunt, & poterunt in futurum pari modo, & absque ulla prorsus differentia uti, frui, & gaudere libere, & licite possint, & valeant, auctoritate Apostolica tenore praesentium, concedimus, & indulgemus.

Dictis Provinciis conceditur jus suffragiorum in Capitulis Generalibus, & facultas erigendi nova Coenobia ex solo consensu Ordinariorum.

§. 4. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter observari: sicque in praemissis per quoscumque Judices ordinarios, & delegatos, etiam Caesarum Palatii Apostolici Auditores, ac S. R. E. Cardinales, etiam de Latere Legatos, & Apostolicae Sedis praefatos Nuncios, aliosque quoslibet quacumque praeminentia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

Clausula.

§. 5. Non obstantibus literis supradictis aliisque Constitutionibus, & Ordinationibus Apostolicis, ac quatenus opus sit Provinciarum, & Ordinis hujusmodi, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac insertis habentes, illis alias in suo robore permanens, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 6. Volumus autem, ut praesentium transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis eadem prorsus fides tam in iudicio, quam extra illud ubique locorum habeatur, quae haberetur ipsis praesentibus si forent exhibitae, vel ostensae.

Datum Romae apud Sanctum Petrum sub Anulo Piscatoris die X. Januarii MDCLXXIX. Pontificatus nostri Anno Tertio.